



*image  
not  
available*

*image  
not  
available*

*image  
not  
available*

*image  
not  
available*

G. 7972

Whig



EK GENT













*Caroli Utenhovi  
Viri cum Genio tum Genere  
quondam nobilissimi*

# MYTHOLOGIA ÆSOPICA

Metro elegiaco reddita.



NUBILA

STEINFURTI BENTHEMIDUM  
excudebat Theoph. Cæsar.

---

ANNO M. D. C. VII.





ÆSOPI FABULÆ.

1. *Olle due, Ænea & Fictilis.*



ORTEvehebantur geminæ vi fluminis ollæ;

Materiam hæc æri debuit, illa luto: Ænea sed spissi dū mole gravata metal-

Infans metuit ne rapiatur aquis, (lū) Ut sibi jungatur, placido rogat ore sororem,

Quò rapidæ pariter vim remorentur aquæ. Cui soror, Haut equidem tua mî vicinia cordi est;

Te licet ex animo cætera, dixit, amem. Sive etenim tibi me concurrere; sive natanti

Te mihi contingat tangere fortè latus: Ut cutis illæ sam tua te servabit ab ictu,

Sic tibi me allidens conteret unda meam.

*Morale.*

Satiùs est vivere cum socio pari, quàm cum potentiorè  
A potentiori enim potest esse periculum tibi, non illi à te.

2. *Asinus & Lupus.*

FORTE pererrantis dum ecta hærebat Aselli  
Clavus in extremo, spinaque acuta pede:

Quem, tumido medicum sese lupus ore professus,  
Dentibus eruerat vix ubi calce suis,

Illicet exiliit, pactumque poposcit Asellum  
Pro medicæ pretium grandius artis ope.

A

**A**st nimia offensus medici petulantia a fellus;

Ora lupi, & frontem calcibus impetiit.

**T**um lupus, hoc justè mihi contigit, inquit, honorè,

Qui coquus, immeritum mî tribuam medici.

*Morale.*

*Hac fabula innuit, quòd qui sua artificia deserunt, trāsferentes se ad alia, ipsis non apta, & in derisum veniunt, & in discrimen.*

3. Leo mente captus.

**F**ORTE videns caprea inflammatū hile Leonē  
Passibus incertis Mænadis ire modo,

O miserum exclamat bis terque quaterque ferarū

Quas alit hæc rupes, silva vel ista genus!

Nam quàm reris atrox rex concitus hic erit ira,

Qui sibi jam constans, nec tolerandus erat.

*Morale.*

*Fabula docet, iram principum meritò metui.*

4. Corvus & Mater.

**C**ORVUS in extremo lethi discrimine, matris  
Sollicita supplex voce rogabat opem;

Ut pia conciperet pro nati vota salute,

Thuricremis adolens farra precesque focis.

Cui genitrix: pro te quid vota precesque valebunt,

Cui, meritoque quidem, numina nulla favent,

Namque quis est superūm, cujus non exta rapaci

Surpueris rostro, sacra ve pollueris?

*Morale.*

### *Morale.*

*Fabula significat, quod qui in prosperitate quenuis offendit, in adversis amicum sibi reperit neminem.*

### 5. De Musca.

**F**ORTE volās juxta prædatrix musca caminū,  
In gravidam, ecce, ollam jure ciboque cadit,  
Ingluvieque satur, liquidoque, madentibus alis  
Ante oculos mortem sensit ut esse suos;  
Intrepido occumbens animo, satis en, ait, hausi  
Juris, & ingessi, corpore merfa, cibi,  
Debeat ut saturæ minus exitus esse molestus  
Hic mihi. Cur durum ferre necesse negem?

### *Morale.*

*Fabula significat, prudentis esse, id potenti animo ferre, quod vitari minimè potest.*

### 6. Rusticus & Equus.

**F**ORTE ferens leporē p̄ rura colonus ad urbē,  
Incidit in quendam, quem tulit acer equus;  
Qui leporē veluti empturus, dextraq; prehensus  
Sustulit, & quanti, dum rogat, iste lepus?  
Illicet exstimulans per devia rura caballum,  
Fertur, & agricolæ pro stipe, verba dedit:  
Quem cursu longè sectans per inhospita campi  
Rusticus, assequier quadrupedem nequiens,  
Hunc tibi portabā leporē, ô bone, vescere latus,  
Clamat, & interea sis memor, oro, mei.

A 2

*Morale.*

*Fabula monet, casus adversos toleranter ferendos esse.*

7. Leo & Vulpes.

**O**R A videns primùm vulpecula cauta Leonis,  
Præ nimio exanimis pænè timore cadit:  
Mox iterum viso, sed non velut antè tremiscens,  
Deinde minùs multò, sed tamen extimuit;  
Denique ubi porrò bis terque quaterque Leonis  
Vidit in occursum vertier ora suum,  
Non modò præcípites excussit corde pavores,  
Ausa sed alternos est servisse sonos.

*Morale.*

*Omnes nos consuetudo audaciores facit, etiam apud eos  
quos antea aspicere vix ausi fuimus.*

8. Vulpes & Uva.

**F**ORTE racemiferâ esuriens vulpecula vitem  
Carpere dum frustra nititur ore tenus,  
Nunc pede subiliens, sed inanes semper in auras,  
Nunc quatiens cauda vitea fulcra levi,  
Digrediens tandem: Nondum maturuit, inquit,  
Fallimur, & stomacho vitis acerba nocet.

*Morale.*

*Fabula significat, prudentis esse fingere se ea nolle, que  
consequi non posse, cognoscit.*

9. Corvus & serpens.

**C**ORVUS in aprico Serpentem sole jacente  
Conspiciens somni fortè sopore gravem,



Dum volat, incurvis dorso supereminet Hydrī  
Unguibus, inquirens pabula grata gulæ.  
Ille voluminibus diductis extulit ora,  
Dente venenato hunc sauciat. At moriens  
Flebiliter corvus, quali miser, ecce, lucello  
Dum prædis inhio, quo peream, potior?  
*Morale.*

*Fabula sensus est, nos sæpe lucrum nobis ipsis damnosum  
sectari.*

10. Puer & Scorpius.

**F**ORTE puer captans per devia rura locustas  
Insidiatrici, sole calente, manu,  
Hanc modò saltantem pennis, modò corripit illæ.  
(Sed sine delectu judicioque) puer:  
Dumque locustarum numerosum tendit in agmen  
Atra venena gerens scorpius intererat.  
Quem puer imprudens animi, ratus esse locustam,  
Jam parat extenta carpere pœnè manu.  
Ille sed exertans caudam de more minacem  
Designans plagæ cominus atque locum,  
Abstine, ait, dextram puer, aut cogere locustas  
Mittere cum damno jam quoque jamque tuo.  
*Morale.*

*Fabula significat, qui ad utramq, partem cogitat, eum  
qua sequenda & qua vitanda, probe tenere debere.*

11. Uxor summersa & Vir.

**F**ORTE vir uxorem adversa quærebat in unda  
Fluminis, absorptam vortice nuper aquæ,

Risibus excipiens quem plebs numerosa, secunda  
Quarat ut hanc potius, si sapit, amne moneta  
Ille sub hæc, Erras toto plebecula cœlo,  
Conjugis ingenium nec benè noscis, ait:  
Namque ea dum vixit, mihi tam contraria vixit,  
Nunc quoque ut adversis fluctuet acta Notis.

*Morale.*

*Hæc fabula vii animi perversi ac obstinati designatur.*

### 12. Anguilla & Serpens.

**F**ORTE venenato metuendum dente draconem  
**D** Talibus anguilla est lubrica adorta modis,  
Dic age qua reris fieri ratione, quòd omnes  
Insidias, vitæ damna parentque meæ,  
Nemo tibi noceat, tua nullus & otia rumpat,  
Quum mihi non adeò sis tamen absimilis?  
Anguis adhæc: Nemo mihi vim temerarius unquā  
Intulit impunè: hinc vim mihi nemo facit.

*Morale.*

*Fabula indicat, minùs ladi solere, qui sese ulciscuntur.*

### 13. Cygnus & Anser.

**F**ORTE saginabat niveum cors pinguis olorem,  
**F** Cortis & huic consors candidus anser erat:  
Dulcibus ille ut Heri recrearet cantibus aures,  
Ferret & hic avida fercula grata gula:

**Ergò**

Ergò dies aderat, coquus hunc jugulare jubetur,  
Jussa coquus domini, nec mora, promptus obit,  
Pro niveo niveum sed corripit anser cygnum  
Inscius: admorat jam juguloque manum,  
Protinus exorsus quum funeris ille supremi  
Carmen, in argutos solverat ora modos.  
Atque ita pro Phœbi tandem agnitus alite collum  
Liberat è cultris hostia dira tuis.

*Επιμύθιον.*

Fabula si sociæ sibi quid velit ista requirat  
Alitis, hos avida combibe & aure modos  
Educat innumeros cors orbis opima Poëtas,  
Quos similes cygnis, anseribusque putes,  
Illecebris procures numerosi carminis illi,  
In sua cygneo guttere vota trahunt,  
Hi strepere argutos inter, velut anser, olores  
Opprobrium doctæ posteritatis, amant.  
Jamque dies aderit, saturas cum Divitis aures  
Alituum obtundet tam numerosa cohors,  
Ut sine delectu, Neptuno protinus illi  
Dentur, & hi tardo victima grata fabro.  
Tum volet ille tibi, volet hic, volet ille Bæcæ,  
Forfan & Herrico concolor esse tuo.  
Quum tua cygneum vox æquatura canorem  
Ignibus & rapidis te prohibebit aquis.

A 4

Fallor an & celsum penetrans vox æthera, fundes  
Ipsa quod obstupcant postera secla, melos?

14. Mulus, qui Græcis ἄμεινον.

**M**ulus erat nimix farcimine pinguis avenæ,  
Atque ferox secum, talia mente agitans;  
Pulcher ego, & cursu perniciosior omnibus unus  
Sanguine sum genitus bellipotentis equi.  
Hactenus hæc: sed enim spatio dum currere aperto  
Cogitur, & longas ire redire vias,  
Ilicet in primo stadio dum restat, Asellæ  
Semine se meminit protinus esse satum.

*Morale.*

*Fabula τὸ γυνῶνι σαυτὸν nobis objicit.*

15. Asinus, Simius & Talpa.

**F**ORTE pererranti silvas occurrit Asello  
Simius, hic cauda, cornibus ille carens,  
Quos sua flebilibus plangentes fata querelis,  
Talibus inculat talpa misella modis:  
Quî precor intuiti me orbatam luce potestis  
De vestra usque adeò conditione queri?

*Morale.*

*Hac fabula ad eos pertinet, qui non sunt sua sorte contenti; & qui, si aliorum infortunia considerarent, equioris animo tolerarent sua.*

16. Cochleæ.

**Q**UUM cochleas olim natus genitore colono  
Decoquit, impositas ignibus, & cochleæ

(Frigida dum calidis pugnant, humētia siccis)  
Misiſſent crepero ſtridulum ab igne ſonum,  
Sicne ait ō ſtolidæ, veſtros dum flamma penates  
Corripit, in melicos ſolvitis ora ſonos?

*Morale.*

*Natura potior eſt conſuetudine.*

17. Cornix & Hirundo.

**FORTE** ſuper patula conſiderat ilice cornix,  
Garrula cui dextrum clauſit hirundo latus,  
Mutuaque alternis miſcentes jurgia linguis,  
Jaſtabant formæ verque decuſque ſuæ.  
Irrita quum ſociæ Cornix maledicta refutans  
Contulit in verſus ultima verba duos,  
Quantula forma tua eſt vernis tantummodo florēs,  
Duret & hibernis quum mea temporibus.

*Morale.*

*Durabilia ſpecioſis præſeruntur hac fabula.*

18. Vulpes vota mutans.

**FORTE** per anguſtam penetrās vulpecula cortis  
Farre gravem fartis, pinguiculisque capis,  
Quâ ſibi trans fuerat jam jamque ſoramen eundū,  
Hoc erat in votis, latius ut fieret.  
Mox ubi ſurreptum timido effert ore caponem,  
In ſua converſum terga vidensque canem,  
Pœnituit voti vulpem, ſuperolque rogavit,  
Arētius ut facerent jam ſibi jamque cayum.

A f

*Morale.*

*Fabula indicat, mortales pro commodis suis vota mutare.*

19. Musca & Quadrigæ.

**C**ursibus accinctæ starent quû forté quadrigæ,  
Temo sua muscam sede recepit avem,  
Dumque ruunt, misso spatia in contraria signo,  
Eripuit nubes pulverulenta diem.  
Nec mora, musca placens sibi, quàm, bone Juppia  
Pulveris est opera vis, ait, orta mea, (ter alti

*Morale.*

*Hac fabula ad eos spectat, qui cùm ignavi sint, alienam  
tamen gloriam suis magnificè verbis in se transferre conan-  
tur.*

20. Pica cuculum pro accipitre fugiens.

**F**ORTE sub arborea latitantem fronde Cuculû  
Viderat, accipitrem, Pica, rata esse, fugax,  
Nec mora, in ærias pernicibus avolat alis  
(Hac sibi posse putans consulere arte) plagas.  
Quam simul alituum (quæ non pcul inde sedebat)  
Turba notat celeri terga dedisse fugæ,  
Degeneresque metus illi, vanosque timores  
Obscicit, à salibus nec tenet ora nigris.  
Illa sub hæc: Malo vobis risum, inquit, amicis  
Morte mea lachrymas quàm peperisse meis.

*Morale.*

*Fabula indicat, melius esse, inimicû videndi, quàm ami-  
cû fundi præbere materiam.*

21. Vulpec

## 21. Vulpes & Lupus.

**I**N puteum è celso vulpecula lapsa profunda  
 Margine jam stygios, jamque initura lacus,  
 Auxilium superum hominumque in vota vocato.  
 Qualibet è puteo dum rogat arte trahi.  
 Fortè superveniens Lupus, in puteūque reflectens  
 Ora, vicem socix commiseratus, ait:  
 Quo, mea chara, modo, vulpecula, quando vel ista  
 Lapsa sit in puteum, si placet, ede mihi.  
 Cui vulpes: prius hinc me, dum licet, exime, dixit,  
 Illadem hinc fati perniciesque mei.

*Morale.*

*Fabula indicat, quando periclitantibus celeri auxilio opus est, supervacuis verbis tempus non esse terendum.*

## 22. Canis & Caro.

**F**ORTè ferens carnis frustum canis ore, natansque  
 Dum carnis umbram, quā dabat unda, notat.  
 Illicet huic inhians, rictum dum pandit hiantem,  
 Frustratur frustra protinus, ecce, suo,  
 Frustratusque miser, pro corpore corporis umbræ  
 (Lucro inhians) meritò, dixit, apiscor ego.

*Morale.*

*Fabula significat, cupiditate semper plus habendi, sæpe numero perdi, quatenus.*

## 23. Asinus

### 23. Asinus & Aper.

**T**ESQUA p & saltus dū fortē vagatur opacos  
 Incidit in fortem segnis Asellus aprum,  
 Quem licet indignis peteret post terga cachinnis,  
 Degenerem, immundum loripedemque vocās,  
 Ille nihil motus, moderansque potentior iræ  
 In placidos animum solvit & ora lonos.  
 Perge cachinnari, Tua te socordia tutum  
 Præstat, & exortem segnis Aselle mali,  
 Nec tua, crede mihi, facio convitia tanti,  
 Digner ut hunc dentem sanguine, inepte, tuo!  
 Nam licet indignus veniâ tu, Non mea virtus  
 Digna tamen, referat par ut, Aselle, pari.

#### *Morale.*

*Demus operam, ut cū indigna nobis audimus, aut patimur, ne indigna nobis dicamus, aut faciamus. Mali enim & perditī plerumq; gaudent, si quisquam bonorum eis resistat. Magnipendunt haberi se dignos ultione. Imitemur equos, & magnas bestias, qui oblatrantes caniculos cum contemptu prætereunt.*

### 24. Pullus asini & Lupus.

**O**LIM asinus morbo quum tentaretur acuto,  
 Spargeret & rumor, mortis adesse diem,  
 Fœdus amicitix simulans Lupus, ostia Aselli  
 Pullat, ut excutiat poste seram ingeminans,  
 Quem catus agnoscens per hiulca foramina postis  
 Pullulus, ægroti maxima cura patris,

*Arcuit*



**A**rcuit introitu: sed enim dum tædia vitans  
Lenta moræ clausas stans lupo ante fores,  
Ut valet ille tuus pater optimus, inquit, A sellus?  
Pullus adhæc, melius, quàm lupo tute velis.

*Morale.*

*Hæc indicat fabula, multos fingere se molestè ferre mor-  
tem aliorum, quos tamen cupiunt celeriter interire.*

25. Lupo & Grus.

**F**ORTE lupo teneri saturato carnibus agni  
Clauserat os hærens oris ad ima gulam,  
Ergo gruem oblongum jubet in cava guttura collæ  
Inferere: Hæc pretium pacta, gulam esse levat:  
Nec mora longa, lupum pretiū grus docta poposcit,  
Cui lupo: hinc effrons, hinc procul, inquit, abi,  
Ille satis pretii retulit, cui colla voracis  
Contigit è collo salva tulisse lupi.

*Morale.*

*tritum est: Perire quod facis ingrato.*

26. Jupiter & Cochlea.

**F**ORTE recens cunctis animalibus, ecce, creatis,  
Juppiter, his voti spem jubet esse ratam:  
Tum Cochlea, ut propriâ sibi corpore ferre liceret  
Usque domum, superos supplice voce rogans,  
Impetrat: at quare pœnam pro munere Divos  
Posceret, à superum patre rogata, refert:  
Hanc ego (si quæ tamen poena est) tolerare, malorū  
Quàm vicinorum maluerim ora pati.

*Morale.*

*Morale.*

*Tabula indicat, malorum vicinitatem omni incommodo  
fugiendam.*

27. Fullo & Carbonarius.

**F**ORTE fui quidam debens carbonibus omen  
Nominis, instabat cum pretio & precibus  
Candida de fulcis reddenti cuncta sodali,  
Ædibus ut secum viveret in sociis.  
Fullo sed hæc contrà: quî nã, precor, optime, tecum  
Vivere dissimili tam mihi in arte queam?  
Namque quod à fœdis ego fecero sordibus album,  
Tinxeris id contrà protinus ipse nigro.

*Morale.*

*Perinde quis evadit, ut quibuscum versatur.*

28. Vulpes & Rubus.

**F**ORTE per ascensum celsæ vulpecula sepis  
Vestigans avidæ pabula grata gulæ,  
Dum titubante rubum pede corripit, ille reduncis  
Sentibus incautè vulnerat ima pedum,  
Nec mora crudeli vulpecula faucia plantas  
Vulnere, in adversum surgit itura rubum,  
Barbariemque rubi (ad cuius fugisset asylum  
Rebus in angustis) læsa prior queritur.  
Cui rubus: ô simplex animi, me apprehendere nun-  
Debueras, alios prendere qui soleam. {quã  
*fabula significat, stultum esse, implorare auxilium ab il-  
lis, quibus à natura datum est, aliis obesse potius, quàm pro-  
desse.*

29. Jupiter

29. Jupiter & Minerva.

Fortè frequens superum convenerat agmen in ar-  
 Arboribus densum, vere repente, locum: (num,  
 Ut propriam ex illis legeret sibi quisque Deorum  
 Quam sibi præcipue posceret esse sacram.  
 Chaonius patulâ Quercum Pater, aurca Myrtum  
 Cypria littoream legerat ipsa sibi,  
 Conigerum æquoreus Pinum Deus, Augur Apol-  
 Latidicam Laurum, Populum Alexicacus (lo  
 Amphitryoniades bicolorem (denique cunctas  
 Nememorem) superum de grege quisque suam.  
 Donec & Inventrix Olæ, Tritonia Pallas  
 Surgit, & ad Divos sic loquitur reliquos:  
 Dicite cœlestes, quæ vos dementia cepit,  
 De tot ut arboribus usque adeò steriles  
 Legeritis vobis tantummodò, cum tot in illis  
 Pomiferæ patulis luxurient foliis?  
 Nec mora quærenti, pretio ne forsitan honorem  
 Vendere credamur Juppiter, inquit, Heri.  
 Mox Dea, quod vobis sibi tum est facitote potentes  
 Coelicolæ, Tanti non mihi tantus honos.  
 At mihi (crescentis tardè licet) arbor Olivæ  
 Lecta vel ob fructus comica pænè placet.  
 Protinus unigenæ libans pater oscula natæ  
 Talibus hanc fertur concelebrasse modis:  
 Jure mei capitis tu filia tota vocaris,  
 Jure Deæ titulum tu sapientis habes.

Επιμύθιον.

Nam nisi quod facimus sit & utile, vana pfectò est  
 Gloria quæ nobis nascier inde solet.

### 29. Vulpes & Larva.

**Q**uondā ades Mimi vulpes ingressa, videndi  
 Singula dū studio mente oculisque nōtat,  
 Incidit in capitis simulachrum insignē venusti,  
 Quo simul atque oculos pavit & ipsa suos:  
 Quām caput hoc pulchrū est, bone Juppiter, inquit,  
 Est cerebri, micā nec rationis habet. (at exors)

*Morale.*

*Hac fabula ad eos spectat, qui corporis dignitatem habent, animi industriam non habent.*

### 30. Canes duo.

Fortē domum pluvio Melanurus tempore servans  
 Assiduē, proprio non comes ibat Hero,  
 Aggressus socius quem villis Asbolus atris  
 Cur facis id cauda dic Melanure nigra?  
 Ille nihil cunctans, ferventibus ustis ab undis  
 Nuper ego, & gelidam nunc timeo, inquit, aquā.

*Morale.*

*Fatula indicat, gravia mala expertis, levissima quæq; timori esse.*

### 31. Astrologus.

Fortē quis Astrologus, tenebris super omnia fufis  
 Sidera sublatis aspiciens oculis,  
 Ingrediens quō pes rapuit securus, apertum  
 Dum cadit offensis in puteum pedibus,  
 Auxilium superos præsens, hominumque vocabat:  
 Cui lepidē propter sic aliquis puteum;

Ecquid,

Ecquid, ait, cœli miserrande intentus es astris,  
Nec memor, ante pedes quæ sita sunt, recolis?

*Morale.*

*Perstringuntur hac fabula ii. qui neglectis propiorib. &  
qua maxime ad se spectant, rebus alienis & remotioribus  
nimium sunt intenti.*

### 32. Aper & Vulpes.

**R**OBORIS obtusos acuentem cote caninos  
Præteriens Vulpes fortè rogabat Aprum,  
Cur, cùm nulla vocent dubii discrimina Martis,  
Cura foret dentes exacuisse suos,  
Huic aper arridens, vulpecula, dixit, & illud  
Cur faciam justæ vim rationis habet.  
Namq; ubi in adversum saliendū est cominus hō  
Tum vacat haud dentes exacuisse mihi. (Item,  
Dum licet ergò mihi securæ tempore pacis  
Arma paro, solo den te timendus aper.

*Morale.*

*Docemur hac apri providentia, præmeditata omnia fa-  
cilia evenire.*

### 33. Gallina & Hirundo.

**F**ORTE sedēs patula Gallina sub ilicis umbra  
Ova venenati perirept anguis ibi,  
Nec mora, supposuit gremio, fovitque sub alio  
Donec ab his foetus prodiit anguineus,  
Præter Hirundo volans iter hoc dū verna notaret,  
Restitit, in tales solvit & ora sonos;

**B**

Cur alis hunc foetum, qui vix exclusus, iturus  
In caput est saxo dente, misella, tuos?

*Morale.*

*improbitas nullo flebitur obsequio.*

### 34. Herus & Canes.

**F**ORTE suburbano tempestas horrida quenda  
Compede ceu vinctum clauferat in proprio,  
Ergo ubi oves primùm caprasq; comisset, & ipsos  
Denique ruricolos cæperat esse boves,  
Quod simul aspexere canes, formidine capti  
Protinus hinc, ajunt, clam fugiamus hero,  
Nam nec aratori potis est qui parcere Tauro,  
Quî queat à nobis abstinuisse manum?

*Morale.*

*fabula sensum indicat. versus ille:  
felix quem faciunt aliena pericula cautum.*

### 35. Agnus & Lupus.

**A**GNUS in excelsi stans fortè cacumine teati  
Torfit in adversum plurima probra lupi,  
Qualia in enormi notum feritate Tyrannum  
Innocuo saturum sanguine, ritè cadant:  
Mox lupo hunc contra placido sic ore renidens,  
Non mihi tu dicis probra, sed ille locus.

*Morale.*

*fabula significat, locum & tempus timidos persæpe au-  
daces facere.*

### 36. Asinus

### 36. Aſinus & Vulpes.

**A**Rcadicum exuviis indutū aliquando Leonis  
 Mœnadis errabat undique more pecus,  
 Omnibus incutiens terrorem animalibus unum,  
 Dum quatit horrendi cuncta tremore soni,  
 Donec & insolito insultans cum murmure vulpi  
 Tentat & hanc diris attonuisse minis,  
 Quæ simul audisset rugitum informis Aſelli,  
 Cautior, in tales solverat ora modos:  
 Hæc, mihi crede, minax torvi truculentia vultus  
 Sola tui fuerat me examinare potis,  
 Ni tua vox vocem referens rudentis Aſelli  
 Proderet indutum pelle Leonis *ovov.*

#### *Morale.*

*Innuat fabula, ſimulatam & affectatam tyrannidem  
 tandem ridersi.*

### 37. Mercurius.

**N**ARrat fama, parēs divūm quòd miſerit olim  
 Mercurium, virga conſpicuum aureola,  
 Pocula mendaci miſceret ut arte veneno,  
 Fœta ferens hominum in perniciem artificum,  
 Ille Jovis, dicto citiùs, mandata capeſſens  
 Menſuræ ad juſtum trivit ut illa modum,  
 Totum orbem terræ circumlaturus obivit  
 Attribuens partem cuique ſuam artificum.  
 Reſtabat ſutor de tot modò millibus unus  
 Solus, & in fundo maximus hauſtus erat,  
 Quem Deus artificis epotandum tradidit uni,  
 Sutor & exhaustum funditus omne dedit.

Ἐπιμύθιος Joci.

Hinc fit, ut artificum mendacia quisque loquatur;  
Omnibus hac futor præstet in arte tamen.

38. Spes. (unum

**F**ORTE bona altitonās cogēs simul omnia in  
Doliolū, patulus quæ bona mundus habet;  
Obferat, idque homini servandum tradit amico,  
O quàm hominum vexat dira cupido genus!)  
Hic desiderio flagrans nimis illa videndi  
Condita doliolo quæ bona cunque forent,  
Dum tegimen reteggit, terris bona cuncta relictis  
Ad superas revolant irrediviva plagas,  
Spes bona dolioli labro tantummodò adhæsit,  
Deque tot & tantis sola relictæ bonis.

Ἐπιμύθιος.

Hinc bona cunctorum quoque deficiente bonorū  
Ubere, spes homines una perennis alit.

39. Asinus simulachrum gestans.

**O**LIM per pagos tumidus gestabat Asellus  
Nescio quæ tergo mystica sacra suo,  
Stultus adoraret quæ quum simulachra popellus;  
Mirator tanti brutus honoris ὄρεσ  
Intumuit, pronumque ferens caput altiùs equo  
Non jam asinus voluit dici, immò Deus,  
Donec inhumano contusus verberare tergum,  
Audiit; haud Deus es, fers sed Aselle Deum.

Morale.

*fabula convenit in φιλαύτως, falso honore tumentes.*

40. Vulpes



**M**agnanimus Leo quadrupedū Rex fortè cre-  
 Vixque benè imperio jure potitus erat,  
 Protinus & caudis animalia si qua carerent  
 Finibus è regni jussit abire sui.  
 Ergò ferì metuens vulpecula jussa tyranni  
 Paret, & exilium sponte subire parat.  
 Quam patriam exilio jam mutaturus acerbo  
 Regis ad arbitrium, Simius, his retinet;  
 Principis edictum non te vulpecula tangit,  
 Quæ longo caudæ syrmate verris humum!  
 Rectè, ait illa, mones, sed quis scit an inter & illas  
 Me Leo quadrupedes fors numerare velit.

*Morale.*

*fabula eos notat magistratus, qui pro arbitrio suo qua-  
 vis statuere sibi licere arbitrantur.*

## 41. Asini duo.

**F**ORTE pererrantes duo cernebantur Aselli  
 (Hic sale, spongiolis alter onustus) iter,  
 Fluminis ergò vadum sale dum tentaret onustus,  
 Ponderis en nimii sub gravitate cadit.  
 Jamque liquefacto liquida sale fluminis unda,  
 Illicet elapso pondere surgit aquis.  
 Quod simul advertit (tergo qui fortè gerebat  
 Spongiolas) vitreum tentat & ipse vadum.  
 Spongia sed liquidas dum combibit arida lymphas,  
 Combibit & stygias merfus Asellus aquas.

*Morale.*

*fabula monet, non quavis quovis modo adhibita quibuscumque prodesse vel obesse.*

42. Formica & Cicada.

**E**CCE sub aprico madidas formica ferebat  
Hibernis fruges sedula temporibus.  
A misera enecta que fame jam pance cicada  
Supplice presentem voce rogatur opem,  
Nec mora flagrantis quidnam sub sidere Cancra  
Egerit, hanc docto Granifera ore rogat,  
Illa sub hac, blandi quum se modulamine cantus  
Diceret agricolas demeruisse sibi,  
Frugilega excepit: Si tunc cecinisse juvabat,  
Nunc, vacuo saltes ventre per arva, licet.

*Morale.*

*Monemur hac fabula, dum adhuc estas, id est, atatis flos adest, ea querere, quibus hyems, id est, senectutis incommoda levare possint.*

43. Senex & Mors.

**F**ORTE senex lignis nemoroso in monte putatis,  
Cæperat hæc subiens jam repedare domum,  
Deque via fessus, sub iniqui & mole fatiscens  
Ponderis, excusso pondere de scapulis,  
Mors ades, ingeminans, mala Mors, ades ocyus, in-  
Meque inopem cunctis eripe, quæso, malis. (quit,  
Nec mora, Mors atris circum caput illius alis  
Advolat, &, quid sit, quod velit ille, rogat.

Ille

Ille ferè exanimis, nihil ò bona; Tu mihi fascem,  
O soror, hunc humeris imposuisse velis.

*Morale.*

*fabula significat, homines vita tam cupidos esse, ut licet  
millibus succidantur periculis, semper tamen mortē devitet.*

#### 44. Cervus.

**F**AM A refert, patrē ut pcerū in cornua Cervū  
Hinnulus affatus talia quæsierit:

Quum canibus major multò atque citatior unus,

Omnibus & summa cornua fronte geras,

Quī fit, ut hac quum vim depellere vertice possis,

Arte tuo, metuas attamen ora canum?

Cervus ad hæc placido Natum pater ore refutans,

Vera quidem, fateor, te memorare, refert,

Prodiga me raris equidem Natura beavit

Dotibus, innumeris mirificisque bonis,

Ast eadem (ex omni nihil est ut parte beatum)

Degener ingenium mī dedit atque fugax.

Namque ubi latratus pavidæ semel aure recepi,

Auferor in celerem usque timore fugam.

*Morale.*

*fabula bonorum corporalium imperfectionem indicat.*

#### 45. Ranae duæ sitientes.

**F**ORTE pererrantes geminae siccata rubetæ  
Stagna, ferè enectæ, sole calente, siti,

B 4

**L**ymphæ ad anhelabât laticem, quæ denique nactæ,  
Hîc ubi aquæ multum, sed putealis, erat.  
**H**unc, eja, in puteum (facilis descensus) eamus,  
Una refert, nusquam spes melioris aquæ.  
**Q**uam soror increpitans sed doctior altera cuntē  
Sic monuit placidè continuitque manu:  
**A**t si nos & aquæ defecerit humor ibidem,  
Quo revocare gradum fas erit inde modo?

*Morale.*

*fabula docet, ne specie bonorum decipi nos patiamur, sed  
finem respiciamus.*

46. **Corvus & Vulpes.**

**F**ORTE super celsa considerat ilice **C**orvus,  
Caseoli in rostro parsque silentis erat,  
**C**allida quem blanda vulpecula voce salutans,  
Cominus his fertur detinuisse modis:  
Quàm formosa avis es, quàm corpore tota venu-  
Quàm specie alarum versicolore nites! (Ite  
**A**dde quòd auguriis, & præpetis omine pennæ,  
Judice me, reliquas antevenis volucres.  
**S**i tibi vox pulchri par dotibus oris inesset,  
In melicos docilis solvere rostra sonos,  
**T**u volucrum princeps, volucrum regina sederes,  
Cœlituumque patri præpes amica fores.  
**N**ec mora, gloriolæ Crocitor amore calescens  
Solvit ut in raucos guttur inane modos,  
**O**re cadente cibo potitur vulpecula, & inquit,  
Dimidium tibi deest non nisi **C**ORVETUI.

*Morale.*

### *Morale.*

Nonnulli sic avidi laudis sunt, ut cum suo probro & damno ament assentatorem. Ejusmodi homunciones prae sunt parasitis.

#### 47. Ranæ duæ vicinæ.

**F**ORTE coaxantes calidi sub sidere Cancrī  
Contiguam Ranæ sedem habuere duæ;  
**H**æc ad aquam jūctæ traherēt quā plaustra jugales,  
Altera plaustrali stagna propinqua viæ.  
Ergo lacunicolam stagni monet incola Ranam,  
(Sirius ardenti dum face torret agros)  
Ut quā plaustra viæ veherentur, sede relicta  
Ad sua transmigrans stagna gradum properet.  
Illa sed exiguæ dulcedine capta lacunæ  
Vivere in assueto certa tenaxque loco,  
Dum renuit tuta mutare palude lacunam,  
Obteritur plaustri prætereunte rota.

### *Morale.*

*fabula docet, benè monentibus non esse refragandum.*

#### 48. Auceps & Cassita.

**F**ORTE rubos domosque auceps indagine lata  
Insidiaturus, cinxerat, alitibus,  
Arbore ab excelsa quod quā Cassita notaret, (mo  
Quid struis, heus, operū, quid facis, inquit, Ho-  
Urbem ego, nōne vides, statuo, vaser accinie au-  
Nec mora, confidens inter opaca latet, (ceps.  
Mœnia condendæ (coram hîc quam cernitis) urbis  
Totus in excubiis, totus in aucupiis,

Ales ad hanc, fidens homini, perniciouser urbem  
Dum volat, in casses illaqueanda, cadit.

Dumque cadit, viso per opacas arboris umbras  
Aucupe, in hos solvit guttura mœsta sonos:  
Condere si talem, ô bone, tu decreveris urbem,  
Incola certè urbis rarior hujus erit.

*Morale.*

*Hæc fabula innuit, eo maxime modo rem privatam & rem  
publicam destrui, cum præsides sevitiæ exercent.*

49. Avarus.

FORTE recôdiderat sub humo vir avarior aurum,  
S Dum studet hac canis consulere arte suis,  
æpe sed inque dies dum visitat illud, in aurum  
Fur oculos tandem misit & æra manus,  
Dum memor ille locum repetit, nec repperit aurum,  
Flet miser, in vetulas unguibus itque genas,  
Nec mora præteriens illuc fortasse viator  
Ut didicit causam, cur ita fleret, ait:  
Parce senex lacerare genas, lacerare capillos,  
Si sapias, inque auri saxa reconde loco,  
Nam neque tû dominus poteras benè dicier auri,  
Ufus cujus erat defodere illud humo,

*Morale.*

*Fabula docet, aurum avaris dominari, non ipsos auro.*

50. Jactator.

FORTE soli quidam patrii jam redditus oris  
(Unde per Autumnos quattuor abfuerat)  
Coctibus

Coetibus in cunctis studio jactabat inanē  
 Plurima, sed raris æmula facta viris,  
 Nempe Rhodi saltus signum fixisse ferebat,  
 Par cui saltando nullus in urbe foret,  
 Idque fide dignis, gravibusque probare parabat  
 Testibus, hæc cives Insula quotquot alit.  
 Nec mora, sic aliquis de circumstantibus illum,  
 Non opus est verbis, res ubi facta probant.  
 Quare age si verum profiteris amice, palæstram  
 Hanc Rhodon esse puta, saltus & ipse probet.

*Morale.*

*fabula sensus est, factū testes non deesse: unde Proverbi  
 Hic Rhodus, hic salta.*

51. Dies festus & profestus.

FORTE diem ingenti Festū clamore Profestus  
 Ibat in adversum, probra salesque ferens,  
 Eequid, ait, positis, propensus in otia, curis  
 Prodigis assiduo, parva labore mihi?  
 Cui placido festus mox rettulit ore, renidens,  
 Ære suo Festum jure Profestus alit.  
 Namq; quid, ō demēs, sine me foret, oro, profestus;  
 A Festo nomen nempe Profestus habet.  
*Innuat hac fabula, otiosos plurimos de aliorum labore  
 parvis, & quidem jure quodam suo, victitare,*

52. Pavo & Monedula.

QUONDAM aviū genus omne simul cōvenit in  
 Illicis, ut Regē deligeret volucrum: (umbra  
 Corporis

Corporis ergò sui volueris Junonia dotes  
Jactat, & hanc formam sceptrâ decere probat,  
Jamque ferè alituum domini in pavonis honorem,  
Quotquot erant, pedibus coetus iturus erat,  
Quum volucrum cohibens Monedula docta sena  
Contulit in versus sic sua verba duos: (tum,  
Unguibus at si nos Jovis armiger impetat uncis,  
Quo pulchelle modo Rex tucare tuos?

*Morale.*

*Arma non minùs quàm splendorem in principe requiri,  
fabula innuit.*

53. Cancer.

**R**IDICULE cancer natum dum corripit o-  
Quin graderis rectè, dixit, inepte, viâ? (lim,  
Natus ad hæc: tua tum mi pappule, jussa capeßsam,  
Desieris curva tu simul ire via.

*Morale.*

*Nullum reprehenderis vitii, cujus ipse queas reprehendi.*

54. Leo, Taurus & Hircus.

**Q**Uum Leo cornigeri premeret vestigia Tauri,  
Confugit ad caulam protinus Hirce tuam,  
Hirce sed in foribus Tauro contrarius ibas,  
Cornibus hunc arcens de stabuli foribus,  
Taurus ad hæc, Nostrum nisi fortior esset utroque  
Quem jugulo hæsurum jam puto, jamque meo,  
Certè ego te doceam, quanto præstantior Hirco  
Taurus ego adversa prælia fronte geram.

*Calamitosus non est addenda calamitas. Sat miser est,  
qui semel est miser.*

15. Cera.



### 55. Cera.

**F**ORTE liquefieri facilis dum Cera notare  
**D**uritiem laterum livida coctilium,  
 ucere camq; ex igne videns, se abjecit in ignem,  
 Se hoc rata tracturam duritiem laterum,  
 Flamma sed in fluidum Ceram vertisse liquorem  
 Sueta, negat ceræ duritiem laterum.

#### *Morale.*

*Hac fabula admonemur, ne appetamus, quod nobis est  
 naturâ denegatum.*

### 56. Piscatores.

**F**ORTE diu multumque maris pertasa labores  
 Turba virum & foetum vivere sueta maris,  
 Nec potis optatos in retia cogere pisces  
 Dum parat, en, moesta mente redire domum,  
 Illicet à reliquis agitatus in æquore Thynnus  
 Piscibus ipsorum se dedit in scaphium.  
 Quem simul arripuit cupida lætissima dextra,  
 Munera fortunæ spondet, abitque domum.

#### *Morale.*

*Fabula significat, sæpenumero fortunam id exhibere, q  
 ars efficere non potest.*

### 57. Mulier & Gallina.

**F**ORTE macrâ Mulier Gallinâ pinguis alebat,  
**U** Dum fallit viduæ tempora lenta moræ,  
 num quottidiè quæ quum modò poneret ovum,  
 Nec monas hæc avidæ sat foret una gula,

Ecce

**E**cce saginandam corti committit opimæ  
Speque animum quæstus uberioris alit:  
Pinguior at solito jam facta & obesior, ovi  
Tempore jam ex illo desit esse parens.

*Morale.*

*Fabula hac docet, homines propter laxum & copiam  
marcescentes ab instituto retardari.*

58. De Leone sopito & Mure.

**F**ORTE soporati per colla jubaſque Leonis  
Currebat celeri musculus uſque pede,  
Protinus excutitur ſomno ille, caputq; reflectens  
Muſque aliò tutam pergit inire viam.  
Huic cata degenerem & timidâ vulpecula mentem  
Objicit, à ſalibus nec tenet ora nigris. (ſtud  
Nec mora, Non equidem timida ſum mente, ſed i-  
Cenſco mutandum Muſtamen inquit iter.

*Morale.*

*Docemur hac fabula, timorem pro re nata ſape diſimu-  
landum eſſe.*

59. Vulpes eſuriens.

**F**ORTE cata eſuriens vulpecula repperit ar-  
N Fallere qua miſeras fraude valeret aves, (tem,  
e qua malas igitur technas ſentiſceret ales,  
Se jacit in medium, quale cadaver, iter.  
Quam ſimul afflatum calido videt ore trahentem  
Corvus, in hos ſolvit roſtra redunca jocos:  
Si tibi quàm Corvo, ſoror optima, cautius eſt  
Corde tuo hiſ Corvo cautior eſt oculus. (C o r,

*Morale.*

*Morale.*

*Fabula hæc monet, animum potius quam mores in ho-*  
*mine notandum.*

60. *Thynnus & Delphinus.*

Fortè etiã fugiens Thynnus Delphina natatu  
Pressurum pinnis jam sua terga suis,  
Æstibus in terram maris (hæc erat Insula) siccam  
Ejicitur, Delphin ejiciturque simul.  
Nec mora, conversus, Delphinaque morte pacisci  
In nudo aspiciens littore Thynnus ait,  
Mors nec acerba mihi fuerit modò, acerba videntî  
Mortis & auctorem fata subire meæ.

*Morale.*

*Hæc fabula innuit, a quo animo ferre homines calamita-*  
*tes, cum eos, propter quos in calamitate sunt, calamitosos*  
*aspiciunt.*

61. *Canes & Pelles.*

Fortè Canes curvo stantes in littore pelles  
Per rapidum cernunt dum fruitare frætum,  
Disjicietque vagis per cœrula regna præcellis,  
Arte nec his ulla se benè posse frui,  
Ilicet incipiunt maris exhaurire bibendo  
Flumina, ad has pelles dum sibi fiat iter.  
Sed prius his avida possent quàm fauce potiri,  
Absorpti nimis potibus intereunt.

*Morale.*

*Innuitur, quosdam etiam cum vita periculo, sibi impos-*  
*sibilia, tentare.*

## 62. De Hirundine.

**H**I Cubi jura foro prætor dare ritè solebat,  
 Fixerat & nidum garrula hirundo suum,  
 Cujus ubi serpens pullos violasset acuta  
 Pestiferum dentis virus habentis acu,  
 Indoluit, titubansque vagis per inania pennis,  
 Contulit in similes ultima verba modos:  
 Me miseram, cui vim locus hic facerrimus affert,  
 Præsidio miseris qui solet esse reis.

*Morale.*

*Fabula innuere videtur, sape periculosum esse, te judicio  
 causam tuam, quantumvis bonam, committere.*

## 63. Aranea & Hirundo.

Fortè videns volucres sublimis aranea muscas  
 Prenderet ut rostri cuspide hirundo sui,  
 Hujus in adversum telam cassesque volatum  
 Explicat, ut muscas hanc rata posse capi,  
 Fila sed hæc agili disturbans lævia cursu,  
 Præpete pennarum vi penetravit opus.  
 Quod simul è celso prospexit aranea tigno,  
 Nil, ait, hæc muscæ curat hirundo plagas.

*Morale.*

*Hac admonemur fabula, ne viribus majora aggrediamur.*

## 64. Columba & Pica.

Fortè loquax Paphiam deprendens pica Columbā  
 Talibus hanc fertur detinuisse modis:  
 Cur agedum ova soror forulis tua semp in iisdem  
 Condīs, & his pullos linquis alisque tuos?

*Quando*

Quando erit, ut faciant te aliena pericula cautam,  
Fas erat, assiduis te sapuisse malis.  
Nec mora inaurata resplendens fronte columba  
Rostripetam miti voce refutat avem,  
Simplicitas ævo nostro rarissima caussa est,  
Augurer ut cunctos mente carere dolis.

*Morale.*

*Hæc fabula indicat, viros probos facile decipi.*

65. *Æger vota faciens.*

**ÆGER** erat parvi cultor paupculus arvi,  
(Unica cujus opes vaccula fortè fuit)  
Quumque malū medica plus arte valere notaret,  
Confugit ad superūm spe propè cassus opem,  
Anxius & superis Hecatomben spondet opimam,  
Si liceat per eos convaluisse sibi.  
Audiit hæc confux facientem vota maritum,  
Nec mora cum dictis talibus aggreditur:  
Unde precor totidem vel oves, taurosve parabis,  
Si fueris voti factus amice reus.  
Tūne putas, æger, Divum quis cedit Olympo,  
Hæc sacra, si relever, qui sibi poscat? ait.

*Morale.*

*Fabula innuit, Deum muneribus non placari, sed cor re-  
spicere.*

66. *Morsus à cane.*

**FORTE** venenato quis læsus dente Molossi  
Dum querula medicam voce requirit opem,

**C**

Incidit in quendam faniem, qui sanguinis omnem  
Suasit ut in panem protinus exciperet,  
In panem sed adhuc calida à fornace recentem,  
Vulneris auctori porrigeretque sui:  
Hoc similes pacto sanare Machaona morsus,  
Non semel expertos seque suosque canens,  
Saucius at rigido diducens ora cachinno,  
Contulit in veros mutua verba sonos:  
Hoc ego si faciam cunctorum protinus in me  
Exciero ora, quot hæc educat ora, canum.

*Morale.*

*Docemur hîc, superstitionem & media in s. literis prohibita, tanquam aliorum, & quidem majorum malorum causas, in morbis maximè vitanda esse.*

67. Inimici.

Fortè duos mutuis odiis lethaliter ægros  
Cymba per æquoreas una vehibat aquas,  
Ille sibi proram, puppim sibi legerat alter,  
Non eadem mens his, non locus unus erat.  
nec mora, præcipiti rapitur ratis æta procella,  
Omnibus ante oculos mortis imago sedet.  
Tum ratis in spatio puppi propiore repositus  
Vectorem pavida voce animoque rogat:  
Docte gubernator, quam partem rere priorem  
Obruet insanis concitus Eurus aquis?  
Navita de ventis prædicere vera suetus,  
Prora, ait, æquoreas prima subibit aquat.  
Protinus

Protinus ille, odii nam pectora felle mædebant;  
In similes animum solvit & ora senos:  
Aspicere exitium liceat modò cominus hostis,  
Dulcior usura mors mihi lucis erit.

*Morale.*

*Tanta vis odii est in multis, ut non dubitent propter d  
nifici sui perniciem ire perditum.*

68. Corvus & Lupi.

**F**ORTE lupos partem prædæ Crocitor edacea  
Nescio quis poscens talibus aggreditur:  
Vos ego perque diem venans sectatus opima  
Dignus qui prædæ parte potirer, eram;  
Nec mora longa, lupi, Nos haud sectatus es, a jure,  
Te tuus hanc venter jussit inire viam.  
Quin neque corporibus parsurus, pessime, nostris,  
Corpora si vitis exanimetur, eras.

*Morale.*

*Non quid agatur semper inspiciendum est, sed quo ani  
mo sit is, qui agit.*

69. Ager & Medicus.

**E**CCE ferebatur sublato funere corpus  
Ad tumuli innumera plebe sequente locū;  
Quin etiam hoc funus medicus deduxerat, ægrum  
Sanandi fuerat cui data cura prius.  
Qui quum de variis sermonem rebus haberet,  
Creditur his populum detinuisse modis:  
Si miser hic nuper Baccho abstinuisset, & alvum  
Clysmate lavisset, convaliturus erat.

Talia jactanti, quo, vane, ait, ore, popellus,  
Ista fidem nusquam nunc habitura refers?  
Quid mihi naufragio prodest modò dicere factò,  
Qua mea debuerit currere cymba via?  
Quid mihi profuerit syrtes vitare vadosas,  
Naufragii tabulas cum ferat unda vorax?  
Messe quid incurvam secta mihi sumere falcem  
Proderit? in media pace quid arma juvant?  
Hæc benè quum dici poterant, fierique decenter,  
Vir bone, debueras dicereque & facere.

*Morale.*

*Consilium post factum inane esse, monemur hac fabula.*

70. Mercurius & statuarius.

**F**ORTè nepos quondà astringeri facūdus Atlātis  
Cœlesti posito corpore Mercurius  
Venerat in terras, cupiens cognoscere quanto  
In pretio hîc numen Mercuriale foret:  
Ergò domum statuas venales intrat habentis  
Sub specie empturi quamlibet effigiem.  
Hîc superumque sui que videns Jovis ora parentis,  
Comperit, hunc dragma, dum licitatur, emi,  
Vile patris ridens pretium, quanti Jovis autem  
Et soror & conjux, quærit Atlandiades,  
Denique non multò pluris postquam audiit, in se  
Conspiciens oculos, quanti, ait, ille Deus?  
Quanti Mercurius Divum ille interpres, & idem  
Nuntius, aucupio cujus id omne tuum est?  
Nec mora sedato statuarius ore renidens  
Contulit in pariles ultima verba modos;



Hosce duos dicto simul ære coëmeris, istum  
Mercurium cumuli, si libet, instar habe.

*Morale.*

Φιλαῦτος, curiosè de se ipsis sciscitantes, mulat audire  
qua nolint, hac fabula docet.

71. Deceptor & Apollo. (ædem)

**Q**UIDAM olim Divū cōtemptor, Apollinis  
Consultit ingressus, mane rubente, Deum,  
Dic, inquit, quid id est, clausa q̃ cōprimo dextra,  
Delphice, & an vivum mortuum idémne fiet?  
Illud passer erat, quem si dixisset Apollo  
Vivere, jam morti jamque daturus erat,  
Sin minùs, hunc dextra vivum ostendisset aperta,  
Quamlibet in partem verba rogantis agens.  
Numinis at vates instinctu percitus almi  
Contulit in versus enthea verba duos:  
Passeris istius (tua quem modò dextera condit)  
Inque manu mors est, vitaque clausa tua.

*Morale.*

*Fabula sensus est, Deum pravas hominum cogitationes  
& consilia penitus cognita habere, & sapius patefacere.*

72. Pater & Filii.

**A** Gricolæ ante thorum jã fata subire parantis  
Pignora claudebant patris utrumq; latus,  
Qui assiduus quondam nil quod legaret habebat  
Filiolis (præter vitea rura) suis,  
Ergò ad opus natos agri, studiumque colendi  
Creditur his vites extimulasse modis:

C 3

Quo mea chara loco sita res fiet, ecce, videtis  
 Pignora, quo jam me fata Deusque vocent,  
 Divitias fulvo vobis ego sedulus auro  
 (Dum genium vestri fraudo miser studio)  
 Majores equidem, quàm vos fortasse putetis,  
 Congessi hac ipsa nocte dieque manu.  
 Ex asse hæredes harum vos scribere visum est.  
 Nulla sed has clausas arca recondit opes,  
 Has benè culta mea servat mea vinea dextra,  
 Vestra sub hac illas quærere cura potest.  
 Vix benè finierat, morientis claudit ocellos  
 Parca tenebrosa nube revincta caput.  
 Filioli ignari, qua sede reconditus auri  
 Hic cumulus, qui sub vite lateret, erat,  
 Illicet incipiunt versare ligonibus arvom  
 Protinus, ut tumulo composuere patrem.  
 Ne quidquam hîc auri juvenes reperere nec hilũ,  
 Sed steriles glebas, præter aquasque nihil.  
 Terra sed assiduo versata labore beavit  
 Viticolas fructu divitiore suos. E. 1. 1. 1. 1.  
 Tum patris hi demũ meminere, bonumq; labore  
 Humano generi vendere cuncta Deum.

### 73. Fiber.

**F**A MA fidem fecit, fibrum, quẽ castora dicũt,  
 Esse animal liquidis degere suctum in aquis.  
 Quin etiã (medicum queis non præsentius ullum  
 Auxilium venit) huic esse pudenda ferunt. Hoc

Moc sibi ab humana quoties timet arte periculum,  
Insidias, artem, qua quoque vitet, habet.  
Nempe nec ignarus, quam ratione petatur,  
Ipse suo resecat dente verenda sibi.  
Illaque in adversos jaciens sua terga prementes,  
Consulit hac vitæ sæpius arte suæ.

*Morale.*

*Membrum potius aliquod, quam ipsam vitam periculo  
exponendum esse, sibi exemplo discimus.*

#### 74. Puer & Caper.

FORTE pcul puerū genetricis ab ore vagantē  
Dux gregis incurvis cornibus impetiit,  
Quum pedicis ruptis aper exilit Herculis, hujus  
Rostraque in inglaviem, mergit, & incolumem  
Sic puerum præstat: miserari an Juno tenellos  
Amphitryoniaden edocuit pueros,

*Morale.*

*Infantes à mille periculis divinitus servari, nemini non  
notum est.*

#### 75. Corvus & Serpens.

FOrtè niger liquido qui degit in æthere corvus  
Scorpion è gelida surgere vidit hūmo, (lapsi  
Nec mora fertur in hunc, sed hic hostis ab æthere  
Figit in adversi spicula dira pedem,  
Datque neci miserum, viden ut qui fata parabat  
Ipse alii, auctorem fata suum anticipent,

*Morale.*

*Non raro evenit, ut mali propriis insidiis intendant,*

76. Infelix nupta.

**E**CCE parùm fausto celebraverat omine natæ  
Orgia connubii mater acerba suæ,  
Præfuit his non blandus Amor, nō pronuba Juno.  
Non genialis Hymen, Pluto sed ipse sacris.  
Namq; recusantē Veneris iuga prima per umbras  
(Virginibus timor hic semper adesse solet)  
Excubitrix letho Moboin dedit, ecce, canum vis,  
Post sua nec nuptam cernere fata datum est.

*nuptiarum auspicia amarulenta exitum multò amarulentiorem sortita.*

77. Piscator.

**F**ORTÈ quis hamata dum captat arundine pisces,  
Depile navifragi sustulit ære caput.  
Truncatumque suo miseratus corpore, dextra  
Defodiens, vili condidit illud humo,  
Inque scrobe effossa thesaurum repperit auri,

*Επιμύθιον.*

Sic pretium iusti pro pietate ferunt,

78. Vipera, Dama & Hinnulus.

**F**ORTE modò enixæ lætèntia Vipera Dama  
Ubera virosis morsibus appetiit,  
Mox trahit infecto viriatam lacte papillam  
Hinnulus, éque ipso vulnere virus edit.  
Atque ita Parca vices mutat, fatoque maligno  
Quod dederat venter, mamina repentè rapit.

*Morale.*

*Deus vulnerat, & sanat.*

79. Lepus & Canes.

**F**ORTè lepus summo de monte ruebat in æquor,  
**S** Ora fugit rabidi dum violenta canis,  
ed neque vitavit sic fata maligna, præhenso  
Nam canis huic vitam diripit æquoreus.  
Montibus elapsus undismiser haustus es: escam  
Te canibus fecit **S**ors salis atque soli.

*Morale.*

*certum cuiq; & inevitabile mortis genus ac tempus à  
Deo præfinitum esse, hac fabula innui videtur.*

80. Corvi & Columbæ. *lib. boni et mali.*

**Q**UONDã inter nigros corvos, niveasq; colum-  
Re super ambigua lis erat orta gravis. (bas,  
Polcitur accipiter dirimendæ litis ab illis  
Arbiter è volucrum, quotquot ubique, choro.  
Arbiter amborum audito sermone, columbas  
Damnat, & alitibus dat veniam ille nigris.

*Επιμύθιον.*

*Dat veniam corvis, (malis) vekat censura columbas  
(bonos).*

81. Camelus.

**C**ORNIBUS armari peteret dū fortè Camelus,  
A patre cœlituum, terga repanda gerens,  
Ilicet irrisis precibus votisque Cameli,  
Juppiter huic ambas demetit auricolas:

Et modò qui fuerat sine cornibus, auribus idem  
Nunc caret, & stulta pro pœce damna tulit.

*Morale.*

*Sit quisq; fortuna contentus sua. Etenim multi fortunã  
Æquanti meliorem, incurrerunt pejorem.*

§2. Venator & Pastor.

**F**ORTE sub arborea Pastorem fronde reperi  
Venator blandum x̃ps precatus, adit.  
Et, mihi demones vestigia, quæso, leonis,  
Dixit: & huic Corydon, ecce tibi, ecce duo.  
Nec mora venator pavefactus corpore toto,  
Rectè, ait: hoc quæro præter, amice, nihil.

*Morale.*

*Sape qui alium venit lusum, ipse luditur.*

§3. Agricola & Anguis. (quem

**A**gricola eneçtum quondã ppè repperit an-  
Frigore, què miserans illico tollit humo:  
Sub calidisq; fovens mox, ecce, recondidit alis,  
Frigida dum zephyris cederet aura suis:  
Iamq; ubi frigus iners calor expugnaverat, atris  
In benefactorem dentibus anguis iit.

*Morale.*

*Mundi hæc est gratia, ut de quibus benè es meritis, sape  
damna pro mercede reportes.*

§4. Lepus & Vulpes.

**F**ORTE lepus vulpi sese præstare ferebat,  
Hanc quia pernici curreret ante pede,  
Dotibus

Dotibus ingenii quem quum se vincere vulpes  
Diceret, in celerem se dedit ipse fugam.

*Morale*

*Fabula hac indicat, corporis velocitatem & vires ab ingenio longè superari.*

85. Anseres & Grues.

**F**Ortè Grues prato, numerosus & anser in uno  
Carpebant avidæ pabula grata gulæ:  
Hos gravis in laqueos moles agit aucupis, illæ  
Præ levitate manus aucupis elugunt.

*Morale.*

*In persecutionibus divitiæ magis oneri sunt, quàm usui.*

86. Sus & Canis.

**F**Ortè Canemq; Suemq; inter certamē obortū  
Utrius in natus sors foret æqua magis, (est,  
Cujus & in partu Lucina faventior esset,  
Detinet his foetam foeta canisque suem,  
Jactat & in cunctis non esse animantibus ullam  
Tam facili fiat quæ ratione parens:  
Talia jactantem placido sus ore refutans,  
Adde, ait, his, cæcos quod parias catulos.

*Morale.*

*Quidam aded sibi placent, ut vitia sua agnoscere non possint.*

87. De Vulpecula & Pardale.

**F**Ortè quod omnigenis decorata coloribus esset  
Lynx tumido vulpem temperat ore vafram.

Nec

Nec mora respondit vulpecula, idem q̄ haberet  
Pardalis exteriùs, se gerere interiùs.

*Morale.*

*Neq, veró pauló satiùs est, ingenio praditum esse vasfro,  
quàm cute versicolore.*

88. Lepores.

**FORTE** aquilas leporù timidissima natio cōtra  
Gessit ubi longo tempore bella truces,  
Denique vulpinæ socialia fœdera gentis  
Supplicibus votis ad sua castra vocat,  
At vulpes renuere, quibus cum prælia inirent  
Hostibus ignaræ, quique forent lepores.

*Morale.*

*Periculosum est, aliena litis se participem facere.*

89. De Ranis & Sole.

**FORTE** Coaxantum quū pervenisset ad aures,  
Conjugio Solem se sociasse novo,  
Lætitia exiliere nova, per stagna lacusque  
Ductantes lætos nocte dieque choros:  
Donec ad hos faciem variis anus obsita rugis  
Versa, quid hæc sibi vult festa chorea rogat,  
Unius ad Solis flammæ horremus, & æstum,  
Unius indociles vim rabiemque pati?  
Ecquid erit, stolidæ, si solibus auctior orbis  
Pluribus insolito stagna calore cremet?

*Morale.*

*Lætamur sepe bonis oblati, postmodum nobis nocituris.*

90. Noctua



90. Noctua & Sol.

**E**CCE querebatur croceo radiantis ab ortu  
 Luciferi radios surgere, Noctis avis,  
 Usque adeò ut Phoebus convitia diceret audax,  
 Donec in hos solvit Phoebus & ora sonos:  
 Non ego culpandus, bona Noctua, culpa sed hujus  
 Sunt oculi, indociles lumina ferre, tui.

*Morale.*

*Fabula quadrat in eos, qui vitia sua in alios derivare student.*

91. Mus & Milvius.

**F**ORTè plagis quondà laqueisq; tenacibus hæres  
 Milvius, ô bone Mus, mus, precor, affer opem;  
 Nec mora corrosis laqueis à mure, misellum  
 Milvius (heu) murem corripit, & laniat.

*Morale.*

*Tyranni ferè turpe sibi ducunt, à tenuis fortuna hominibus se servatos esse, adè ut eosdem, levissima etiam de causa, postmodum vita privare non dubitent.*

92. Pavo & Grus.

**F**ORTE Grui passis volucris Junonia pennis  
 Cominus insultans, talia verba facit: (Grus,  
 Quàm formosa ego sum, quàm tu deformis; ad hæc  
 Quàm levis en ego sum, corpore tuque gravis?

*Morale.*

*Nemo alterum contempserit. Sua cuiq; dos, sua cuiq; est virtus. Qui tua virtute caret, forsitan habet quâ careas tu.*

93. Mons

93. Mons parturiens. (tus

**O** Lim fortè aliquis tumidus Mōs pōdere par-  
Humanum attonuit speq; metuq; genus;  
Quum subitò exiliens Mus prodiit, inq; cachinnū  
Anxia mens hominum versa repente fuit.

*Morale.*

*Qui futurorum nimia vel spe, vel timore tenentur, inter-  
dum frustrari & rideri, hac fabula docet.*

94. Cuculus & Aviculæ.

**C** UR sua vitarent consortia fortè rogabat  
Ille pida, exiguas vocè cuculus aves,  
Nec mora responsum tulit ad quæ sita Cuculus,  
Tu quoque prædonum de genere accipitrū es.

*Morale.*

*Malorum sodalitiū vitandū esse, monemur hac fabula.*

95. Lupus.

**F**ortè nocens sub ovis lupus occultatus amictu  
Innocuz, innocuas dilaniabat oves,  
Donec ab ipse suo pastore prehensus in altam  
Arboris enectus tollitur, ecce, crucem.  
Miranti populo conspecta pelle, latebat  
Pelle sub hac, Pastor, trux lupus, inquit, ovis.

*Morale.*

*Hæc fabula indicat, homines non ex habitu, sed ex operi-  
bus judicandos, quoniam multi sub vestimentis ovium lupi-  
na faciunt opera.*

96. Mulier

## 96. Mulier & Medicus.

Fortè oculis mulier lippis cupiebat inungi  
 A medico, medicus nec mora doctus adest.  
 Pacta placet merces, sed sic medicatur ocellis,  
 Ut nihil in tota cernat inuncta domo:  
 Ille domo exportans sensim rem divitis omnem  
 Reddidit huic oculos, eripuit loculos.  
 Nec minùs hãc operæ pretium tamè ille poposeit  
 Hæc renuit, medicum talibus excipiens:  
 Deterius nunc cerno: meis nec in ædibus hilum  
 Lumina quo flectam cunque, videre queo.

### *Morale.*

*Fabula significat, homines avaritiâ deditos, sibimet sæpe contradicere.*

## 97. Armentarius.

**E**CCE parva vagus spatiosa Bubulcus oberat  
 Amissum quarens nec vitulum inveniens,  
 De grege pro vitulo tenerum tibi, Juppiter, hoedum  
 (Detur abactorem si reperire) vovet,  
 Nec mora, dum saltus & inhospitate squa pagrat,  
 Obvius huic vituli fit Leo prædo sui:  
 Cujus ad occursum gelida formidine captus  
 Sidera sollicitas tollit ad alta manus,  
 Votivum, ingeminâs, tibi debeo, Juppiter, hoedum,  
 Invento vituli fure leone mei:  
 Parce, pater, taurum voveo tibi rursus opimum,  
 Prædonis vituli ut faucibus eripiar.

### *Morale.*

*Morale.*

*Innat hac fabula, homines pro re nata saepe vota mutare.*

98. Mures & Feles.

Fortè domo Mures latitantes plurimi in una  
Contiguam angustis sedem habuere cavis,  
Quod simul advertit, quo non juratior hostis  
Muribus Ælurus nomine reque catus,  
Illicet in saltu sua retia tendit eodem,  
Distenditque suam muribus ingluviem,  
Donec & hæc gentem decrescere turba suorum  
Conspiceret parva diminuique mora,  
Ergò cavernosas statuunt penetrare latebras  
Murilegi immunes, felis ab insidiis:  
Fraude sed hæc fraudem pensare dolosa vicissim  
Dum parat, en celsa de trabe pendet onus,  
Vertice versus humum gelidæq; simillima morti,  
Tentat & hac mures elicere arte cayo,  
Musculus aspiciens quam desuper unus & alter,  
Talibus hanc salibus protinus impetiit:  
Non ego crediderim tunicæ, si pellibus esset  
Corpore detractis fulta, proterva, tuo.

*Morale.*

*Monemur hac fabula, viris malignis non fidendum, sui  
etiam interitum usq; simulantibus.*

99. Vates.

Fortè foro in medio dum circumstante corona  
Nescio quis vates cuique futura canit,

*Illius*

**I**llius, ecce, repens inopinaque venit ad aures  
Fama, domum fures diripuisse suam.  
**N**ec mora sollicito suspiria pectore ducens  
Ad compilatas confugit augur opes,  
**A**d sua quem pedibus properantem damna citatle  
Creditur hoc aliquis impetiisse joco:  
**C**ur tu fata aliis sua prædixisse suetus,  
Haud tua præfaga mente oculisque notas?

*Morale.*

*Hac fabula ad eos spectat, qui res suas non rectè admini-  
strantes, alienas, qua nihil ad se pertinent, providere & cõ-  
sulere conantur.*

*100. Monedula.*

**N**escio q̃s volucrè qualève prehēderat auceps  
Rusticus, & nato fortè suo dederat,  
**Q**uam puer arreptam filo de cannabe ducto  
Alligat, in digito læta per arva gerens.  
**I**lla gemens hominum se carcere claudier arcto  
Aëre nec cœli liberiore frui,  
**I**licet ut primùm potuit, pernicibus alis  
Avolat in silvas, libera regna, suas.  
**J**amque voluminibus ramorum pensilis hærens,  
Nec potis è pedicis explicuisse pedem,  
**J**am sibi jamque famis pereundum conscia morbo,  
Flebile de curva dum cruce pendet onus,  
**H**eu mihi servitium domini pertæsa benigni,  
Cur libertatem tanti, ego, dixit, emo?  
*Servitus tolerabilis calamitosa libertate præferenda.*

**D**

101. Asini & Jupiter.

**E**CCE Jovem supplex Asinorū turba supremū  
 Ponderis assidui fasce gravata rogat,  
 Ut sibi tantorum defunctis mole laborum  
 Annuat optata posse quiete frui,  
 Juppiter hæc fatis contraria vōta latenter  
 Significans, fieri posse nec illa docens:  
 Tū demū immunes onerumq; operumq; futuros  
 Ærumnarum Asinos tardipetes gerulos,  
 Mejere ubi tantum juncto simul agmine possent,  
 Flumen ut hinc nasci conspiciatur, ait:  
 Fallor an ex illo jam tempore grex asinorum  
 (Seria nempe Jovis dicta fuisse ratus)  
 Sic ubi mejentem socium conspexit, ibidem  
 Mejere ab antiquis usque putatur avis.

*Morale.*

*Honestos labores nō esse recusandos, hac fabula d. scimus?*

102. Formica.

**F**A MA fidem fecit (quæ nūc formica vocatur)  
 Qui coleret quondam rura, fuisse virum.  
 Qui quum ruricolæ sub imagine fortè propinquis  
 Sacrilegâ fruges subtrahit arte suas,  
 Dumq; malo inque diē furi mala multa precatur  
 Quilibet, & diris devovet ominibus,  
 Juppiter his motus, formicæ in membra colonum  
 Vertit, ut hoc lueret furta nefanda modo.

Non

Non tamen hæc mores posuit ratione priores,  
Et nunc ingenium, quod fuit antè, manet.  
Nam genus insecti est Formica, quæ arva pererrat,  
Vivit & è raptis nunc quoque, ut antè, bonis.

*Morale.*

*Malefacta impunita non manere, hac metamorphosi discimus.*

103. Agricola.

**F**ORTE bonæ cultor Cereris, gnavusq; color-  
Spiciferâ votis sollicitarat opem, (nus  
Ut sibi aristarum exortes producere spicas  
Triticeas vellet tempore messis agris,  
Scilicet hac ratione ratus frumenta minori  
Posthac & sumptu & posse labore feri.  
Impetrat, indefensa sed hæc & inermia rostris  
Protinus alituum carpta fuisse dolet.  
*Fabula docet, nos sæpe damnosa nobis precari.*

104. Testudo & Ranæ. (taree

**F**ORTE coaxantum quum gēs domi porta no-  
Quàm volucris atq; agili corpore turba foret,  
Illicet ingemuit, tantæ sub pondere molis  
Sanguine se cassam, tardigradamque agere,  
Mox ubi deprensas hōinum has volucrumq; ra-  
Squāmigerisq; videt gētibus esse cibum, (pinā  
Quantò, ait, est satius vitam hanc producere tardā  
Tristitia quàm, ut ranas, fata subire, leves!

*Hac fabula monet, ne agré feramus dona nature, quæ  
majori nobis commado sæpè sunt, quàm nos intelligere vale-  
amus.*

105. Servus fugitivus.

**F**ORTE fugæ elapsum furem jã tempore longò  
 Quæsierat famulum cura fidelis heri.  
 Quem simul aspexit per devia rura vagantem  
 Persequitur volucris Demea vectus equo,  
 Consciussibi sibi sceleris, formidine pœnæ  
 Territus, ut domini viderat ora sui,  
 Confugit in latebras, fuerat queis dignus, asyli,  
 Pistrinum latebræ triste latentis erant.  
 Nec mora deprenso, dominus, qua sede præhendi  
 Quo poteras, dixit, commodiore loco?

*Morale.*

*fabula sensus est, maleficii reos tandem, etiam nihil tale  
 cogitantes, ad meritum supplicii locum devenire.*

106. De Asino & Viatoribus.

**F**ORTE viatores per inhospita tesqua' gemelli  
 Dum faciunt blandi tempore veris iter,  
 Nacti asinum, ecce, domũ, incipiũt cõtendere eorũ  
 Hunc uter, ut proprium, duceret in propriam.  
 Lis sed in immensum dũ gliscit utrinq;, potitus  
 Neuter eo est, asino clam capiente fugam.

*Morale.*

*Quidam à presentibus commedi, quibus ob inscitiam uti  
 nesciunt, excidunt.*

107. Vulpes & Crocodilus.

**E**ST animal (Pharii Crocodilũ nomine dicunt)  
 Nil crocei præter nomen inane gerens:  
 Est etc-



**E**st etenim tetra facie, specieque lacertæ,  
 Corpore rugoso, squammigeraque cute,  
**P**rodigium quo vix deformius accola Nili  
 Aspicit, horrendum, terrificumque magis.  
**H**oc animal vulpemque inter lis fortè coorta est,  
 Major uter generis nobilitate foret:  
**C**umque recenseret veterum Crocodilus avorum  
 Plurima gesta olim, plurima gesta sua:  
**H**uic vulpes, Nihil est verbis Crocodile superbis  
 Hic opus, hæc pellis sat tua cuncta probat.

*Morale.*

*Fabula significat, rem ipsam homines mendaces potissimum refellere, & plerumq; a naturâ notatos pravi esse ingenii.*

108. **Asinus, Corvus & Lupus.**

**E**CC E onerum patiens depascebatur agellum  
 Ulcere non uno terga notatus ovoc:  
**I**lius & tergo Corvus super eminus agro  
 Scribillat rostro vulnera cruda suo.  
**I**lle dolore gemens atque os in terga retorquens  
 Innocuam crebra calce flagellat humum.  
**P**onè sequens asinum simul hoc advertit Agas  
 Rusticus, in risum solvitur immodicum:  
**Q**uo lupus audito silva excitus ecce propinqua  
 Profilit, in tales solvit & ora sonos:  
**O** miseram nimium gentem quot ubiq; luporum,  
**N**emo non hominum cui struit insidias:

Huic licet & fas est asininum pectere tergum,  
Repperit & plausum res etiam ista suum.

*Morale.*

*Ad levia damna interdum counivendum est, ad gravia  
non item.*

109. Bubulcus & Hercules,

**F**ORTE per horrentem salebrisq; lutoque Bu-  
Plaustra vehens ligni pōdere onusta viā (bulcus  
**P**ronaque conspiciens salebris hærere lutosi,

Axe tenus mersis fervidiore rotis,

Restitit attonito similis, manibusque carenti,

Sideraque erectis aspiciens oculis,

Amphitryoniadem crebro miser ore ciebat,

De reliquis, cœli quos habet aula, Deis.

Mox in conspectum sese Deus ille vocantis

Obtulit, hunc verbis corripuitque suis,

Quin agedum ingeminās, tu quod potes effice p te,

Ecquid defixis astra tuere oculis?

Ne pigeat plastroque manus, humerosq; levando

Subjicere, & stimulis increpuisse boves.

*Επιμύθιον.*

Nam si desidia libet indulgere supini,

In tua nequicquam vota voces superos.

110. Vulpes, Asinus & Leo.

**F**ORTE asinus vulpesque animis cōcordib. olim

**N** Venandi studio per nemora alta ruunt:

ec mora longa ferum simul aspexere Leonem,

Vulpes diffidens cauta suis pedibus,

Jamque

Jamque sibi impendens devitatura periculum  
Arte mala, adversi lustra leonis adit,  
Convenit, arbitris sed enim procul inde remotis  
Proque sua vitam pacta (nefas) socii  
Impetrat: inque plagas asinum trahit ecce dolosas,  
Quis miser elabi dum nequit implicitus,  
Corripit astutam vulpem tamen antè, misellum  
Donaret ventri quàm Leo justus *ὄνον*.

*Morale.*

*Dolus plerumq; dolo compensatur.*

III. Cassita.

FORTE cibus inhiās modicis Cassita, p̄pinquos  
Decidit in casses casside testā caput.  
Dumque cadit miseram integrans miseranda que-  
Illicet in tales solvit & ora modos: (reclam  
O me infelicem volucrem, Non divitis auri  
Ulla nec argenti pondera surripui,  
Denique nil pretium cui dicere possit avarus  
Paucula frumenti granula me perimunt.

*Morale.*

*Fures pauperes plectuntur, divitibus connivetur.*

III. Fur & Canis.

FORTE canis furem (latratib. omnia cōplens)  
Dum sequitur ditis cura fidelis heri,  
Ille cani indicens taciturna silentia panem  
Porrigit (en, placant munera & ipsa canes)

D 4

At canis iste sagax diuturna viatica canis

A domino spondens tempus in omne suis,

Nunc latur, inquit, ego: sed quum spoliaris herilem

Omnibus ablatis me reticente domum,

Suppetet unde, precor, stomachum sedare latrantē

Qua valeam panis mica vel una mihi.

*Morale.*

*Parvo commodo magnum incommodum quidam sibi accersere solent.*

### 113. Columba.

**F**ORTÈ columba siti cūm panē enectā notaret

Nescio depictum quem cyathum in tabula,

Huic & aquam rata inesse citō ruit impetu in illum

Impete, quo pennas fregit adacta suas,

Nec mora collapsam pueri rapuere volucrem:

*Επιμύθιον.*

Pone modum votis, qui legis ista, tuis.

### 114. Capra & Lupus.

**F**ORTE lupus celsa pendentem ab rupe capellā

Viderat ex sterili carpere gramen humo,

Nec mora quin steriles, ait, alta cacumina collis

Linqvis, & intonsi gramina carpis agri.

Callida quærenti respondit capra, lupinis

Sub labiis vulpem certa latere vasfram,

Rectè equidem, lupe amice, mones, sed enim mihi

*Επιμύθιον.*

(mens est,

Utile jucundis prapposuisse bonis.

### 115. Simia.

115. Simia.

**J**UPPITER ut pariter animalia cuncta voca-  
 Ulus ad hæc fertur talibus alloquiis: (vit,  
 Dicite, cuiusnam sit formosissima vestrum  
 (Hanc ego rem dudum scire aveo) soboles:  
 Nec mora limiolum producens simia parvum  
 Exilit, hunc cunctis foetibus anteferens:  
 Et, quid, ait, quæris, bone Juppiter, aspice, nullum  
 Hoc animale animal pulchrius invenies.  
 Protinus huic blando Saturnius ore renidens  
 Retulit, Hinc nudis scilicet est natibus.

*Morale.*

*Et nos & nostra nobis placent. Sed de nobis, & de nostris  
 factis, aliorum sit iudicium, ne, si ipsi iudicemus, cum Simia  
 rideamur.*

116. Abies & Dumeta. (pinquos

**Q**UONDÂ Abies dumos quum sperneret alta p-  
 Despiceretque humili cõsita quæq; loco,  
 Huic illi: Quantò tu celsior, ô bona, nobis,  
 Hòc etiam est nostræ fors tua deterior.  
 Pervia ventorum sunt omnia celsa procellis,  
 Scilicet hoc lapsu tu graviore rues.

*Morale.*

*Etiam summa fortuna sua insunt mala, & humili for-  
 tuna sua bona.*

117. Canis in præsepi.

**E**CCE, canis frendens p̃sepe latransq; tenebat  
 Terrorem incutiens scœnivo pecori.

Usque adeò ut metuens ad pabula nemo veniret,  
Quum macie enectus de grege sic aliquis:  
Quæ canis invidia est dape nos fraudare cupita,  
Qua neque vis, sed nec vescier ipse queas?

*Morale.*

*Multi eo sunt ingenio, ut aliis invideant, quod ipsi mentis  
inopia assequi nequeunt.*

118. Mulier & Nux.

**F**ORTè nucem mulier rogitaverat, ubere fructu  
Cur afflicta adeò conspicienda foret:  
**T**e quoque, nux inquit, meliorem verbera reddūt,  
Segnior & plagis extimulatur oves.

*Morale.*

*oderunt peccare mali formidine pœna.*

119. De Culice & Tauro.

**E**CCE culex tauri residens in cornibus audax,  
Avolet an maneat terque quaterque rogās  
Ad sua responsum tandem quæsitā reportat,  
Avolet an maneat, non mea cura, culex.  
Namque nec accessum sensi velut alitis ullum,  
Sic neque tantillæ sensero (crede) abitum.

*Morale.*

*Ignominia ab hominibus nullius pretii illata, non admo-  
dum curanda.*

120. Leo, Asinus, Lepus.

Fortè leo volucres dum Marte lacescit aperto  
Deque recensendo milite verba facit,

Quas

Quas a feno & lepore ad res prætereuntibus uti  
Ursus herum rogitat, comprobat idque leo:  
Nec mora respondens, jubeas citus, inq̃t, a fenum  
Cornicinem, leporemque esse tabelligerum.

*Morale.*

*In conferendis muneribus diligenter considerandum,  
quodnam cujusq; natura maximè conveniat.*

121. De Sue & Mure.

Fortè cavo egressum dum Porca foramine murè  
Esuriens ventri jam dare jamque parat,  
Illicet à fabris conspectus uterque cachinnis  
Excipitur: queis mox mus ita semianimis,  
Ridendi ridetis, ait, nutrire vel unam,  
O pudor, indociles, exiguaque suem.

*Morale.*

*Rarè risu caret infortunium: imò qui ipsi causa sunt ma-  
li, innocentibus sapè insultare videas.*

122. Leo procus.

Fortè leo visæ flagrabat amore puellæ,  
Ardet ut admotis pinca tæda focus,  
Virginis ergo patrem, procus obtestatur amatæ,  
Hanc thalami sociam jungat ut ille sibi.  
Cui pater: Hisne tuis ego dentibus, unguibus istis  
Tam teneræ credam virginis ora meæ,  
Ni vetet hoc, tanti haud generi socer esse recusem,  
Moribus his natam tradere nolo meam.  
Ergò leo dentesque truces, unguesque recurvos  
Hujus ad arbitrium præsecuisse sinit.

Tunc

**T**unc homo correptum sed inermi dente Leonem  
Sternit, & huic jugulum cominus ense ferit.

*Morale.*

*Fabula significat, eū, qui inimicis se credit, facile perire.*

123. Rusticus & Muscæ.

**E**CCE quis æstivo (dum Sirius ureret agros)  
Tempore, muscarum rusticus impatiens  
Arripit irata stramenta flagrantia dextra,  
Perque casam incauta dum quatit illa manu,  
Arida materies tugurî concepit ut ignem,  
Corripit integram flamma repente domum.

*Morale.*

*Iracundiâ multa mala secum ferre, hac fabula docemur.*

124. Gallinaceus & Vulpes.

**E**CCE gravi gallum morbo decumbere Rumor  
Sparserat, & rumor verus, opinor, erat:  
Foedus amicitiz simulans vulpecula Gallum  
Visit, & ut valeat terque quaterque rogat.  
Gallus ad hæc placidè arridens, utcunque: valebo  
Sed meliùs, si tu longiùs hinc abeas.

*Morale.*

*Multi quarentes alterius interitum, commiserationem  
simulant.*

125. Vulpes.

**N**UPE R ut amissa tota vulpecula cauda  
Plagarum seipsam nexibus expedit,  
Erubuit, cauda, quòd honore careret, adempta,  
Viv ere nec deinceps dulce rata esse sibi,



**O**m nibus occæpit suadere sororibus, hirtant  
Ut sibi jam caudam jamque putare velint,  
Scilicet ut vitii socias communis haberet,  
Hac velut occultans dedecus arte suum.  
Namque, ait, indecoris sinuosa volumina caudæ,  
Quid nisi verrendo dixeris apta solo?  
Talia suadentem, atque his dicere plura parantem  
Talibus hanc vulpes increpat una modis:  
Fallor an id nobis ideò, soror optima, suades,  
Nempe quòd ex usu reris id esse tuo,

*Morale.*

*Multi in consultando de salute communi, privatam maxime spectant commodum.*

126. Cerva & Vitis.

**C**ERVA racemiferæ latuit sub tegmine vitis,  
Dum venatorum vitat, & ora canum.  
Ergò aliam dum fortè viam meditantur ad illam,  
Illaque jam tuto se putat esse loco,  
Carpere pampineas sine sollicitudine frondes  
Cœpit, & in latebras dentibus ire suas,  
Quarum ubi venâtes strepitû motumq; notarunt,  
Fronde, ait, hac, aliquis, præda petita latet.  
Tum moniti ad motam referentes lumina vitem  
Cominus hanc jaculis impetiere suis.  
Illa cadens, calido & venabula sanguine tingens,  
Flebilis audita est talia verba queri:  
Jure equidem morior, vitem quæ lædere vitæ  
Sum servatricem dentibus ausa meæ.

*Morale.*

*Morale.*

*Mortis reum hac cerva facit, benefactori suo qui damnū  
infert.*

127. Vultur.

Fortè diem esuriens sacrum sibi vultur agebat,  
Adque sua exiguas sacra vocabat aves:  
Nec mora conveniunt, epulis inhiantque cupitis  
Vulture solennes præcipiente preces,  
Functus erat sacris, poscunt sua tempora cœnam,  
Sed qui proferret fercula nullus erat,  
Ostia clauduntur, positâ venit, ecce, sacerdos  
Veste, suoque jubet quamque sedere loco:  
Cōsedere, modò hanc, modò corripit unguib. illâ,  
Major & exiguas devorat ales aves.

*Morale.*

*Non sunt amici omnes, qui blandè dicunt, aut benignè se  
facere velle simulant: latent sub hoc melle venena.*

128. Crines alieni.

Fortè nothos (Graji *φειάλλω* dixere) capillos  
Calva ster capiti junxerat (ecce) suo.  
Nec mora ventorum violento turbine oborto,  
Huc illuc falsas disijcit aura comas.  
Candidaque extemplo capitis patet area calvi:  
Immodicis quam quum risibus exciperet  
Præteriens populus: Quid, ait, ridetis amici.  
Ablatum mihi, quod non fuit antè meum.

*Morale.*

*Morale.*

*Arte comparatorum facilis jactura.*

129. Pavo.

**S**IC quæsta est quondam volucris Iunonia Pavo  
Aures sollicitans fortè potentis Heræ,  
Dic age quum reliquas superem fulgore volucres,  
Quum specie alarum versicolore micem,  
Cur ego blandisonæ caream modulamine vocis,  
Qua superat reliquas Daulias ales aves? *Επιμυθ.*  
Cui Dea, rectè equidè, Nec enim bona fas erat uni  
Omnia cœlestes contribuuisse Deos.

130. Coquus & Canis.

**E**CC E coquo ingressus canis ignorante culinā  
Cor pecudis rapuit, terga deditque fugæ:  
Quem coquus affectans, impunè cor illud habeto  
Nunc bone, sed quondam non ita, dixit, erit.  
Acri quippe oculo canis observabere posthac,  
Nam mihi surreptum cor, cor habere dedit.

*Morale.*

*Qua nocent docent.*

131. Malus & Pirus.

Fortè Pirus Malusque simul certamen inibant,  
Utra foret forma pulchrior arborea.

Jamque

amque diu variis duplicabant iurgia verbis,  
Nascitur è verbis dum nova rixa novis,  
Proximior rubus quas sic de sepe refutans,  
Tandem, ore, à rixis os teneamus, ait.

*Morale.*

*fabula significat, minores majorum lites, multarum calamitatum sementum, sepe numero componere.*

132. Talpa.

**E**CCE carens oculis genitricem Talpa salutans,  
His oculis Morum conspicio, inquit, ego:  
Mox iterum, mater dum dicta refellere differt,  
Thus, retulit, nares complet odore meas.  
Denique ubi matrem taciturnam conspicit, addit,  
Auriculas penetrant tinnula, sinistra meas.  
Talia jactantem Genitrix tandem illa refutans  
Contulit in versus sic, sua verba duos:  
Nata, vel è dictis sat ego his, te, colligo, captam  
Naribus, auriculis luminibusque simul.

*Morale.*

*fabula innuit, homines jactabundos, quum magna profitentur, tunc vel maximè in minimis redargui.*

133. Aethiops.

**F**ORTE vir Æthiopē nigræ cutis emerat albus  
Alterius quondam mancipium domini,  
Quem ratus hunc vitio domini traxisse colorem,  
Et niveum fieri posse lavantis ope,  
Abluit, abstergit, distringit, inungit & atram  
Reddere candidulam nititur arte cutem.

Artis

Arte sed in niveum cutis haud iit atra colorem;  
Cura sed in morbum transit, arsque gravem.

*Morale.*

*Vitia innata non facilia correctu.*

134. Cancer & Vulpes.

**F**ORTE suis egressus aquis in fluminis ora,  
Pabula dum cancer quæritat apta sibi,  
Corripit hunc subitò vulpecula, jamque vorandus  
Cancer in hos solvens guttur inane sonos.  
Cur fluvialis ego affectans terrestria, dixit,  
Deserui undosæ regna beata plagæ?

*Morale.*

*Stationem sibi à Deo designatam temerè haud quis deserat, idq; doctus à testudine, dicente, ut fingitur, ὄϊνος, φλόος, ὄϊνος, ἀεισός.*

135. Anguis.

**C**ompressus passim tot calcibus anguis, ad ipsū  
Cōfugit supplex flensq; gemensque Jovē,  
Quàm malè ab humana excipetur gente querēdo,  
Quotque pedum plantis obtereretur inops,  
Cui pater ex alto Saturnius æthere terras  
Despiciens, tales fudit ab ore sonos:  
Si, tibi qui tergum pressit prior, ictus abisset,  
Nemo petiturus terga tua hostis erat.

*Morale.*

*Imbelles magis quàm repugnantes infestantur.*

**E**

136. De Hirco & Vite.

**F**ORTE caprum vitis rodentē dente maligno  
 Pampineas frondes aciter increpitans,  
 Cur mea dicebat folia improba carpis amœnas;  
 Quum nemus arboreas fundat ubique comas;  
 Dum nihilò tamen ille minus depascere pergit,  
 Vitis in has tandem solvit & ora minas: (bebo,  
 Quàm potes usq; noce mihi, tantū ego semper ha-  
 Quod tibi mactando sat queat esse meri.

*Morale.*

*Innocentes premi, suppressi non possunt.*

137. Cornix.

**E**CCE sitim cornix collegerat atra volando,  
 (Sirius ardenti dum fate torret agros)  
 Nec mora prægrandem puteū ppe repperit urnā,  
 Urna sed hæc undæ pauperioris erat.  
 Quam misera aridulo nequiens cōtingere rostro,  
 Hanc superinjecta mole replet lapidum,  
 Quæis propria fundum gravitate petentibus urnæ  
 Os subit & volucris proluit ora latex.

*Morale.*

*Quod vi effici nō potest, prudētia & cōsilio efficiendū est.*

138. Olla.

**F**ORtè Jovi tepido exposita ollula fictilis (antè  
 Sic effor ut fieret quam coqueretur) erat.  
 Quam simul imber aquæ pluvia cōspexit ab æthra,  
 Tu quid es, hanc placido dum rogat ore, rei,  
 Ollula

Ollula prætumido fragilis sese ore vocabat  
Doliolum (heu quantum rebus inane subest!)  
Doliolumne solent quo vina recondier, inquit,  
Pernicies fundi vina meraca mei?  
Annuit: hanc igitur mora nulla, prehendit, & udis  
Comminuens guttis disjicit imber aquæ.

*Morale.*

*nemo se pluri venditet, quàm valere potest.*

139. Hædus & Lupus.

**E**CCE lupi ereptus truculenti faucib. hædus  
Fugerat in caulam lanigeri pecoris,  
Cui lupus: Incolumemne fore his te credis, ubi in-  
Quotidie pecorum turba litatur, ait (gens  
Hædus ad hæc: Refert nihil ô lupe: namq; necesse  
Si semel est misero fata subire mihi,  
Præstiterit certè meus ut cruor imbuat aram  
Coelicolum, fauces quàm lupe sæve tuas.

*Morale.*

*Multum interest, à Deo ne an pravis hominibus mortem  
quis sustineat.*

140. Ursus & Apes.

**E**ORTE favis inhians, apis unius i&ibus ursus  
Saucius, alveolum protinus in medium  
Proruit iratus, populatur & omnia gentis  
Mellificæ indignis mella favosque modis.  
Nec mora, apum junctis examina viribus ursi  
Cuspilibus multo vulnere rostra notant,

**E** 3

Donec apum evadens vix spicula acuta furentum  
(Sævior ut vires fregerat ira suas)  
Nonne pati satius vel Apis fuit unius ictum,  
Bile mea tantum quàm impetere agmen? ait.

*Morale.*

*Hac fabula innuit, longè melius esse, injuriam unius ferre, quàm, dum unum punire volumus, multos nobis inimicos comparare.*

141. Aper & Statua.

**E**CCE videns statuâ solido de marmore ductâ  
Terribili tumidus dente protervus Aper,  
Protinus in statuam tanto ruit impetu, ut illam  
Jam se æquaturum jamque putaret humo.  
Fallitur, haud statuam modò non disjecit, at ipse  
Dente miser fracto collabefactus abit,

*Morale.*

*Nemajora viribus nostris attentemus.*

142. Robustus bos.

**O**LIM bos socios cõtempserat unicus omnes  
Inter ruricolas gloria prima boves:  
Post ubi araturum juga sub lorata Colonus  
Duxit eum, exercens vomere terga gravi,  
Nocte domum rediens stetit ad præsepe modestus,  
Blandula cornupeta de Bove factus Ovis.

*Morale.*

*Docet hac fabula, omnes ferocientes labore & arumnis domari & mitescere.*

143. Luscinia



143. Luscinia & Accipiter.

**N**EMORIS in viridi cōsedit in arbore quōdā  
 Deflens Ilmarium Daulias aves Ithym,  
 Quē simul Accipiter pedibus cōprenderat uncis,  
 Illaque supremum ut sensit adesse diem,  
 Ad blandas conversa preces placidissima Aëdon  
 Prædonem volucrum supplice voce rogat,  
 Angustum per iter ne se demittat avari  
 Gutturis, aut causa se sine dilaniet,  
 Namque nec exilem satis illius ilibus escam  
 Explendis avidi se fore ventris, ait,  
 Ergò (q̃ ipsa potest tantummodo) consulit hosti,  
 Majoris volucres corporis ut capiat.  
 Prædo sub hæc, volucrū, sim stultus ego, inquit, &  
 Si certā incerta spe mihi rē redimā. (excors,

*Morale.*

*Certa pro incertis eligenda esse, monet hac fabula.*

144 Dives & Perdix.

**E**CCE domi V I R Cortis aves plautus alebat,  
 Mixta quibus perdix, pullus agrestis, erat.  
 Quam, quia vel peregrina foret, vel parva, capones  
 Quum miserè crebris morsibus impeterent,  
 Arcerentque cibo (tanta est discordia gentes  
 Inter & alituum, quanta hominum esse potest)  
 Omnibus invisam sese deplorat, Herūmq̃  
 Ut jugulum feriat jam sibi jamque rogat.  
 Mox sed ubi adversa in mutua vulnera rostris  
 Has quoque (ut hīc pictas conspicias) ire videt.  
 Illicce

Nec, ad mentem meliorem versa, levamen  
Creditor his verbis ipsa tulisse sibi;

Επιμύθιον.

Si sibi non ipsæ didicerunt parcere, iniquo  
Nec mea certè, animo fors toleranda mihi est.

145. Faber & Musculus.

**E**X auro, ecce, faber Libycis levius vel arenis  
Ramentum limæ dentibus abstulerat,  
Quo simul exiguam distendit musculus alvum,  
Et celeri est tactus pondere tardidior,  
Furtaque dissecto, deprehensus, ventre pependit,

Επιμύθιον.

Sic aurum & brutis causa mali esse solet.

146. Lotrix.

**F**ORTE suâ Cybale pelagi, ppe littora vestem  
Dum lavat insistens humidulo tumulo,  
Æstibus allapsis ablata furentibus, undæ  
Gurgite Lethæ, proh dolor, hausta perit.

Επιμύθιον.

Sic & pauperies vitæ comes ivit in auras,  
Et quisquam undosis credit aquis peditem?

147. Mulier inani spe ditescendi inflata.

**M**ERCA tum ad urbis proximæ profectura  
Rustica, ferebat, Pascha circiter, plenum  
Ovis quasillum: læta jamque tum lucro,  
Factura certò quod sibi videbatur,  
Sed nondum habebat, cogitatione, ut sit,

Inter

Inter vias fingebat aureos montes  
Sibi, rationata in hunc modum; Dextra  
Plena ære multo mihi domum revertetur.  
Benè collocetur. ovis ematur, hæc anno  
Vertente tantum, spero, mihi dabit quæstum,  
Ut comparari foeta coqueat vacca:  
Foecunda pariet hæc brevi gregem armenta  
Numerosum: & auro me beabit ex lacte,  
Caseoque, Butyroque, quod forum plena  
Manu refundet Nobile inde equorum par  
Hoc ære commercabor. At solum, tanto  
Studio exaratum, fructuum feret magnam  
Vim. Prata, silvas, vineas dein nummo  
Præsentem coëmam. Lata denique in tanto  
Proventu & opibus delectatam agam vitam  
Convivia apparabo: non ibi cantor,  
Psaltèsve decrit. Cum marito ego restim  
Saltabo ductans. Jò, Euoë, Euoë, ô Bacche.  
Hæc mente volvens, corbis & sui oblita,  
In gyrum agebat corpus, & pede alterno  
Terram feribat. corbis it: cadunt ova,  
Et, fracta ad unum, decolorem humum pingunt.  
Stupet illa, inopsque consili omnis: Ergò, inquit,  
Grave ingemiscens, somnium puto vidi  
Vigilans, eadem dives atque inops hora.

F I N I S.

## Corrigenda.

*Fab. 29. lege conigeram pro conigerū. item in Επι-  
μοθίω, facimus, 30. uſtus pro uſtis. 33. repperit. 36.  
exanimare pro examinare. 58. in morali, retardari.  
67. in calce, aquas. 59. deduxerat. 70. in morali, multa.  
91. in morali, à tenuis. 100. in morali, calamitoſæ liber-  
tati. 116. v. 4. noſtra. & alia quadam fabula præpes  
pro præbes.*



# Fabularum Index.

A

Abies & dumeta	108
Ager vota faciens	65
Ager & medicus	69
Aethiops	133
Agnus et lupus	35
Agricola	103
Agricola et anguis	83
Anguilla et serpens	12
Anguis	135
Anseres et grues	85
Aper et vulpes	82
Apes es statua	141
Aranea et hirundo	63
Armentarius	97
Alnus et lupus	8
Asinus, simius et talpa	15
Asinus et aper	23
Asinus et vulpes	36
Asinus simulachrū gestās	39
Asini duo	41
Asini et Jupiter	101
Asinus et viatores	106
Asinus, corvus et lupus	108
Astrologus	31
Avarus	49
Auceps cucassita	48

B

Bubulcus et Hercules	109
----------------------	-----

C

Camelus	81
Cancer et vulpes	134

Caneri	19
Canis et caro	22
Canes duo	30
Canes et pelles	61
Canis in præsepi	117
Capra et lupus	114
Cassita	111
Cera	55
Cerva et vitis	126
Cervus	44
Cochleæ	16
Columba	113
Columba et pica	64
Coquus et canis	130
Cornix	137
Cornix et hirundo	17
Corvus et mater	4
Corvus et serpens	9
Corvus et vulpes	46
Corvus et lupi	68
Corvus et serpens	75
Corvi et columbæ	80
Crines alieni	128
Cuculus et aviculæ	94
Culex et taurus	119
Cygnus et anser	13

D

Deceptor et Apollo	71
Dies festus et profestus	3
Dives et perdix	144

F

Faber et musculus	145
-------------------	-----

(2)

**Fiber**  
**Formica**  
**Formica & cicada**  
**Fullo & carbonarius**  
**Fur & canis**

**G**

**Gallina & hirundo**  
**Gallinaceus & vulpes**

**H**

**Herus & canes**  
**Hircus & vites**  
**Hirundo**  
**Hoedus & lupus**

**I**

**Iactator**  
**Infelix nupta**  
**Inimici**  
**Jupiter & cochlea**  
**Jupiter & Minerva**

**L**

**Leo mente captus**  
**Leo & vulpes**  
**Leo, taurus & hircus**  
**Leo lopitus & mus**  
**Leo, alinus & lepus**  
**Leo proci**  
**Lepus & canes**  
**Lepus & vulpes**  
**Lepores**  
**Lotrix**  
**Lupus**  
**Lupus & grus**  
**Luscinia & accipiter**

93		
102	Malus & pirus	138
42	Mercurius	97
27	Mercurius & statuarius	70
112	Monedula	100
	Mons parturiens	93
33	Morsus à cane	66
124	Mulier & gallina	57
	Mulier & medicus	96
34	Mulier & nux	118
136	Mulier spe ditescendi frustra	
62	ta	147
139	Mulus	14
	Mures & feles	94
50	Mus & milvius	91
76	Musca	5
67	Musca & quadrigæ	19

**N**

**Noctua et sol** 90

**O**

**Olla** 138  
**Ollæ duræ, ænea et fistilis** 1

**P**

54	Pater et filius	72
58	Pavo	129
120	Pavo et monedula	52
122	Pavo et grus	92
79	Pica cuculum pro accipitre	
34	fugiens	20
38	Piscator	77
146	Piscatores	56
95	Puer et scorpius	10
25	Puer et caper	74
143		

**Pullus**

**P**ullus asini et lupus

**R**

Ranæ duæ sitientes

Ranæ duæ vicinæ

Ranæ et Sol

Robustus bos

Rusticus et eques

Rusticus et musca

**S**

Senex et mors

Servus fugitivus et pistri-  
num

Simia

Spes

Sus et canis

Sus et mus

**T**

Talpa

Testudo et ranæ

24 **Thynnus et delphinus** 60

**V**

Vates 99

Venator et pastor 82

Vipera, dama et hinnulus 78

142 Ursus et apes 140

Vulpecula et pardalis 37

123 Vulpes 125

Vulpes et uva 8

Vulpes vota mutans 18

Vulpes et lupus 21

Vulpes et rubus 28

vulpes et larva 29

vulpes et simius 40

vulpes esuriens 39

vulpes et crocodilus 107

vulpes, asinus et leo 110

vultur 127

Uxor submersa et vir 11

104

(3)

















